

四庫全書

子部

欽定四庫全書

子部

小兒衛生總微論方卷十六
七

詳校官太醫院吏目_臣宋桂

編修_臣倉聖脈覆勘

總校官進士_臣繆琪

校對官中書_臣李斯咏

謄錄監生_臣譚世緯

欽定四庫全書

小兒衛生總微論方卷十六

寒熱論

小兒寒熱者由風邪外客於腠理痰飲內漬於藏府致血氣不足陰陽更勝而所作也陽勝則發熱陰勝則發寒陰陽交爭邪正相干則寒熱往來時發時止然此症與瘧相似而發寒不致戰慄發熱不至悶亂所以異也今叙方于後

人參前胡散治寒熱往來

人參

去蘆

柴胡

去苗各一兩

前胡

去蘆一兩

桔梗

去蘆

半夏

湯洗七次焙乾

地骨皮

去骨

甘草

炙各半兩

右為細末每一錢水一盞入生姜二片煎至半盞去

滓服無時

秦光湯治如前

秦光

去蘆一兩

鱉甲

一兩醋炙焦黃去櫛

大黃

半兩剉碎微炒

竹茹

一分

麻黃

去根節半兩

甘草

一分

右為麤末每服一錢水一盞入葱白二寸煎至五分
去滓溫服無時

又方治如前及治赤氣中人

右以猪後蹄燒灰研末以乳汁調服一錢治中熱亦
佳

香甲散治寒熱肌瘦

木香

一兩 鱉甲

一兩 酥炙
黃去裙襴

川大黃

半兩 剉
微炒

當歸

去蘆洗淨
焙半兩

檳榔

三個

陳皮

湯浸去白
焙秤半兩

柴胡

去苗半兩

知母

半兩

甘草

半兩

右為麤末每服一錢水一盞生姜二片煎至六分去滓溫服無時

二姜圓治痺疾發寒熱似瘧

乾姜

良姜

各等分

右細剉同炒黃為細末餗餅和圓菜苴大每服三五圓煎楊柳枝湯送下空心服亦治瘧

冬瓜汁治生下至五月以裏乍寒乍熱往來無時

右以冬瓜炮熟絞汁與服或剉柳枝煮汁浴兒

瘧病論

瘧病者由夏傷於暑客於膚裏致肌腠虛隙至秋又寒濕乘之動前暑熱邪正相搏陰陽交爭會過有時更相勝負陽勝則發熱陰勝則發寒陰陽互勝則發寒熱熱則煩躁悶亂寒則慄慄戰慄陰陽會過交爭已過邪正相離則寒熱俱歇若邪動氣至又復發作故瘧休作有時也其發晏者邪正會過遲也其發朝者邪正會過早

也其間日發者邪氣入深而行差遲不能日作故間日乃發也今叙方于後

桃仁湯治小兒發瘡不止

桃仁

湯浸去皮尖并雙仁者麩炒黃一兩

鯀甲

一兩酥炙黃去裙

桂心

半兩

黃芩

半兩

川升麻

半兩

赤茯苓

去黑皮半兩

右為麤散每服一錢水一小盞煎至五分去滓溫服

無時

靈豆膏治如前

大蒜

一枝去皮研

巴豆

三斤去皮心

右同濕紙裹煨熟一處研為膏圓麻子大每服二三

錢圓醋湯送下吐瀉即差後用藿香補之

藿香湯

藿香

去土

肉豆寇

麩裏煨

甘草

各一分

右為細末每服半錢水一盞煎至七分溫服連服三服無時

朱衣使者治如前

砒半兩 菜豆末一分 黑豆末一分

右同研勻細滴水研黍米大辰砂為衣間日發者於
好日夜臨卧時面北冷醋水送下二圓頻日發者只
於當日夜服如上法兒極小者與一圓端午日合佳
又方如前治

右以生鹿角為細末發已前乳汁調服一字
又方治如前

右以鷄脰中黃皮炒極燥為末乳汁服之男雄女雌

又方治如前

右以蛇蛻皮一兩取每條長五尺以上者燒灰存性
研細末每服一錢新水調下未發前服三歲上半錢
下者一字

又方治如前

右以黃丹二分蜜水和之與服如冷者以酒和冷服
萬金丹治痰盛挾積發瘡久不差

阿魏

一錢湯化去砂石和麩
作餅煨熟剉細炒乾

朱砂

一分研
水飛

砒霜

一錢用醋半盞
慢火上熬醋盡

丁香

半兩

巴豆

七個去皮膜
油盡取霜

木香 相思子

半兩 十四個

右為細末煉蜜和圓黍米大未發前冷水下一二粒
一歲加一粒至十歲上止十粒絕早服忌熱物一辰

時

知母圓治瘡疾熱甚者

知母

一兩
微炒

鱉甲

一兩酥炙
焦去裙襴

川大黃

一兩細
判微炒

朱砂

一錢水
飛研

赤茯苓

去黑皮
一兩

川芒硝

半兩

川升麻半兩龍腦一錢
兩研

右為末拌勻細煉蜜圓黍米大每服五七圓生姜湯送下得利即愈量大小加減

小兒溫瘧灸兩乳下一指三壯壯如小麥大

恒山湯治小兒瘧疾

恒山一兩小麥三合淡竹葉切一升

右為麤末水煎去滓臍中兒服一蜺殼半月者二蜺殼滿月者半小合以意增之

烏梅圓治瘧疾寒甚者

烏梅肉

一兩
焙乾

母丁香

半兩

桂心

半兩

當歸

去鬚洗
焙半兩

乾漆

半兩炒
烟出盡

右為細末入研細射香末半錢拌勻煉蜜和圓黍米
大每服十圓粥飲下

茶清散治諸瘧疾

人言

一兩

黑豆

一升

河水

四升

右同煮至水盡炒乾為末每服一字或半錢熱多者

鵬茶清調下寒多者草茶清調下間日者投發夜臨
卧服頻日者但臨卧忌熱物一辰時此方宜斟酌
鬼見愁治乳孺嬰小患瘡無計可治服此的驗神應

代赭石

用丁頭五粒火煨
醋淬十次研極細

朱砂

透明塊子
半錢水飛

砒霜

皂子
大

右三味用濕紙七重同裹慢火內煨至紙乾取出頻
地上出火毒次入腦射各半字金箔五片同研共為
細末每一字於發日早以麻油一滴調藥傳鼻尖上

立止

草菓子湯治脾寒發瘡

草菓子

三個

甘草

五寸

大棗

七個

右並剉碎分三服水一盞煎至半盞放溫服更量大
小加減

符法治諸瘡

僂

捺

謹

右於發日不得梳頭洗面嗽口及弄水漿日出時用
朱砂書上第一字於淨紙上剪下於兩脚心於兩手

心兩頰上并額上并前後心共九處帖了然後喫
飲食如未止書第二字永除根本鮮有書及第三字
者

弄舌論

小兒弄舌者其症有二一者心熱心繫舌本熱則舌本
乾澁而緊故時時吐弄舒緩之二者脾熱脾絡連舌熱
則舌亦乾澁而緊故時時吐弄舒緩之皆欲飲水心熱
則發渴脾熱則津液耗皆引飲二症相似宜加審別心

熱者面赤睡即口中氣熱時時煩躁喜就其冷咬牙上
竄治宜退熱脾熱者大便稠硬赤黃色面黃身亦微黃
治宜微導之不可用冷藥又不可轉下若悞下之則脾
胃虛津液耗又加五心煩熱面黃肌瘦變為疳也若大
病未已用藥弄舌者大凶也今叙方于後

人參知母散治心熱弄舌

知母

一兩

藍葉

半兩

人參

去蘆
半兩

鈎藤

一分

川升麻

一分

乾葛

一分

黃芩

一分

右為細末每服一錢水八分入竹瀝三兩滴煎至五分去滓溫服無時

瀉黃散治脾熱弄舌

藿香葉

去土七錢

山梔子仁

一兩

石膏

半兩

甘草

三兩

防風

去蘆并了枝切焙四兩

右並剉以蜜酒洒拌勻炒香燥為細末每服一錢水一盞煎至六分去滓放溫取清汁服一方有山藥二

兩

魛音奇病論

小兒魛病其論有二一者聖惠云小兒生十餘月已後
母又娠因以乳兒令兒生病其候精神不爽身體痿痺
骨立髮落名曰魛病又曰繼病又曰交孀二者巢氏云
小兒在母胎妊之時其母被惡神導其腹中胎氣至兒
生下往往尪羸微微下利寒熱往來毛髮焦豎多嗔不
悅其候頗似於疔今叙方于後

虎骨丹治魛病

虎頭骨

塗酥灸
黃一兩

鬼臼

一兩

草龍膽

去蘆
一兩

鬼箭

取羽
一兩

琥珀

半兩
令研

白膠香

半兩
令研

右為細末同研勻煉蜜和圓黍米大每服十粒乳香

湯下無時

又方治如前

右取伏翼蝙蝠是也燒灰研細末粥飲調下半錢日
三若灸令香熟嚼爛哺兒亦効如得重一斤者尤佳
又得黃精自然汁塗灸之最良

又方治如前

右取百勞鳥毛與兒帶之又名博勞又名鷓

骨蒸論

小兒自周晬已上至十餘歲血氣隆盛因厚衣溫煥將
養過宜食羊肉肥甘果食諸物臟腑生熱熏蒸肌膚身
體發熱夜有盜汗漸漸瘦悴乃成骨蒸若不即治則為
急勞今叙方于後

秦朮散治潮熱蒸瘦減食

秦朮

去蘆切焙

甘草

炙各一兩

乾猫兒薄荷葉

半兩不見火

右為麤末每服一二錢水一中盞煎至七分去滓温

服食後

地骨皮湯治骨蒸體熱肌瘦

地骨皮

去骨

胡黃連

各一兩

鱉甲

塗酥炙黃去裙盡

柴胡

去苗

犀角

錯取屑

嫩桃枝

剉

川大黃

炮

知母

各半兩

右為細末每服一大錢水一盞煎至五分去滓温服

無時

麥煎散治童男室女骨蒸肌熱盜汗減食痿瘦

鱉甲

醋炙去
裙爛

大黃

紙裏
煨熟

恒山柴胡

去
苗

赤茯苓

去黑
皮

乾生漆

炒烟
盡

當歸

去蘆洗淨
酒浸一宿

白朮

生地黄

石膏

各一
兩

甘草

半兩
炙

右為末每服二錢水一盞入小麥五十粒煎至六分

去滓溫服食後臨卧有虛汗者加麻黃根一兩

連朮散治骨蒸肌瘦漸為急勞

黃連

去鬚
一兩

秦朮

去蘆
一兩

天靈蓋

一枚塗
酥炙黃

甘草

半兩
炙

右為細末每服半錢粥飲調下無時

腹皮青黑論

小兒腹肚皮腠虛薄為風寒邪氣所乘而真氣微弱不能滋其血氣失榮養之致邪氣著而不去故腹皮卒然青黑也此候危惡今叙方于後

二聖散治腹肚皮膚忽然青黑

右以胡粉苦參各一兩為細末每服一錢溫酒調下

兼塗患處

又方治卒腹皮青黑不能喘息宜急用此方

右以大青為末納口中酒送之

又方治卒腹皮青黑不急治須臾即死

右以酒和胡粉塗之乾則再塗仍於臍四邊各半寸
并鳩尾下一寸共五處各灸三壯

難乳論

小兒難乳有二一者兒初生客風邪熱中臍流入心脾
之經即令舌厚唇燥而急口不能乘乳故乳而不能啞

飲也二者兒初生時拭掠口中穢血不及嚥而入腹則令兒心腹痞滿短氣促急故口不能吮乳飲之也今叙方于後

五福化毒丹治心脾經熱舌厚唇燥急不能乘乳

生乾地黄

焙稱

熟乾地黄

焙稱各半兩

天門冬

去心稱

麥門冬

去心稱

玄參

去蘆

甘草

炙

甜硝

各三錢

青黛

一錢半

右先六味為細末後硝研入硝黛拌勻煉蜜和圓雞頭大每服半圓或一圓食後水化服之無時

又方治兒飲乳不快喉舌似緊不相從順

右以沙牛角燒灰存性研細末塗乳上放兒口中捻
汁飲吮嚥下

又方治胃腹痞滿短氣促急不能飲乳

右取鷄子殼燒灰酒服半錢

又方治心胃熱痞飲乳不快

右以生葛根杵爛絞汁飲灌之如無以乾葛煮灌
之亦得

治小兒不能乳

右以雀矢四枚未之著乳上令吮之兒大增服

治小兒初生不飲乳及不小便

右以乳汁二合葱白一寸四破於銀器內煎取一合
藥注灌之立効

大小便倫

小兒大便有祕澀者有不通者皆由府臟有熱乘於腸
胃胃熱則津液少少則糞燥結實而鞅大便難下則

為秘澁甚者則不能便乃為不通也小便有滴瀝者
有不通者由小腸與膀胱有熱二經俱主水水入小
腸傳於膀胱循水道出而小便也熱氣乘之則水耗
少而行澁故滴瀝而下也甚者水道乾而不通也若
熱入大小腸則皆壅滯不得宣利故大小便俱不通
也

金花散治大便秘澁便難

皂角仁

一錢炒

檳榔

一個生

甘草

一錢

右為細末每服一字或半錢沙糖熟水調下

栢子仁膏治如前

栢子仁

揀淨

松子仁

胡桃仁

各等分

右研和膏每彈子大熱湯化下未快再服

人參荆芥湯

右以人參荆芥各自為末每用人參末半錢荆芥末一錢和勻水一盞煎至七分放冷量大小時時與服

木香麝散治大便不通

木香

訶子

煨取皮等分

右為麤末每半錢或一錢水煎去滓放溫時服

又方治如前

右以猪苓一兩為末水少許煮雞矢白湯調下一錢差

又方治如前

右以酵不拘多少先搗乾曝為末麵糊為圓菜豆大
每服五七丸至十餘丸量大小米飲下

木通散治小便澁滯滴瀝不得通快

木通

滑石

甘草

炙

焰硝

研各半兩

三葉草

一分

右為末細勻每服一字或半錢沸湯點服乳食前

滑石散治如前

滑石

瞿麥

葵子

炒

芸薹子

甘草

炙

山梔子仁

蔚金

海金沙

炒各一錢

右為細末每服半錢煎燈心葱湯調下乳食前

如聖散治如前

海金沙

炒

滑石

等分

右為細末每服一字或半錢煎燈心湯調下乳前食
八正散治如前又治心經邪熱又治熱淋

瞿麥 木通 山梔子仁 地扁竹 車前子

甘草

滑石

各三錢

大黃

一錢半

右為細末每服一錢水七分入薄荷二葉同煎二分

去滓溫服無時

治小兒小便不通三日欲死

葵根

一握剉

壁魚

七枚別研

右以水一大盞煎葵根取汁六分入壁魚末再煎三五沸去滓放溫服

治小兒小便赤澁不通

蒲黃 滑石 各等分

右研勻細每服一錢煎燈心湯調下沙糖水亦得亦

治淋痛乳食前

治小兒卒不得小便以鹽安臍中灸之

治小兒小便赤澁不通

滑石

二兩

木通

一兩

葵子

一合

右為麤散每服一錢水一小盞煎五分去滓溫服無時。

冬葵子散治小兒卒小便不通小腹急悶

冬葵子

一兩

木通

半兩

右為麤末每服一錢水一小盞煎至五分去滓不拘

時候

捻頭散治小便不通

延胡索

去皮

川苦棟

去核

右為細末每服半錢或一錢捻頭湯調下如無捻頭
即於湯中滴油三兩點食前服一方車前草小麥各
一升水二升煮取一升二合去滓煮粥服日二量兒
大小加減

葶藶散治如前

葶藶

半兩炒

青皮

去穰炒黃半兩

右為細末每服半分或一分空心姜湯調下乳食前

疆蚕散治如前

白疆蠶

炒去絲嘴

當歸

去蘆洗淨等分

右為細末每服半錢或一錢煎車子湯調下亦治血淋若沙淋者煎羊蹄草湯調下無時

又方治如前

右以綿黃耆為末每服一錢水一盞煎至五分溫服無時

又方治如前

右以烏梅肉為末每服一錢水調服神效

又方以地扁竹煎湯放溫服如熱水飲之效

白朮膏治小便澁滯不通胃腹痞滿

白朮

半兩

白茯苓

一分

澤瀉

半兩

人參

去蘆一分

滑石

一分

右為末煉蜜和膏每皂子大米飲化下亦治脾胃不和
不美乳食

朱砂散治小便赤澁不通心神煩躁

朱砂

一兩

滑石

半兩

犀角屑

半兩

黃芩

一分

車前子

一分炒

甘草

一分炙

右為散拌勻每服半錢煎竹葉湯調下乳食前

葵石散治小便不通悶亂

葵根

一握到

滑石

一兩

木通

一兩

牽牛子

半兩炒

右為麤散每服一錢水一大盞入燈心葱白各少許煎至六分去滓放溫食前服

鷄腸草散治小腸膀胱有熱小便難澀服冷藥過多却致小便不能禁止

鷄腸草

一兩 牡蠣粉

三 龍骨

火煨

麥門冬

去心焙

白茯苓

去黑皮

桑螵蛸

米泔水

右為麤散每服一錢水一盞入生姜二片棗一個煎

至六分去滓溫服亦治遺尿乳食前

郁李仁丸治大小便秘瀆不通

郁李仁

二兩湯

浸去皮

大黃

一兩

檳榔

三兩

青皮

去穰

右為細末煉蜜和丸棗豆大每服十九至十五丸姜

湯下無時

芎藭散治如前

芎藭

一兩

川大黃

三分剉碎微炒

郁李仁

三分溫湯浸去皮微炒黃

右為散每服一錢溫水調下乳食前

朱粉丹治如前心神煩腹脇悶卧中多驚

朱砂

半兩研細水飛

膩粉

一錢

續隨子

半兩

右為末研拌勻煉蜜和丸黍米大每服七粒溫水送

下食後

木通剉散治大小便不通

木通 瞿麥 滑石 山梔子仁 各三錢 茯苓 去黑皮

甘草 各四錢 續隨子 三錢 車前子 一分

右咬咀每服一錢水一盞煎至半盞去滓溫服更量
大小加減乳食前

紅綿散治如前

朱砂 研水飛 蔚金 輕粉 各一分 馬牙硝 半兩

右入麝香少許研勻細每服半錢薄荷蜜水調下無
時

又方治如前

右以滑石為末每服半錢清油調如稀糊再入好酒一茶脚許攪勻服之如一時久未通再服

又方治如前

右以不艸皂角去皮核生為末用二錢取獨頭蒜一顆沙盆內同皂角末磨擦蒜盡以釀米醋少許和之捻作餅子如香花子貼臍中立通

又方治如前

右以露蜂房燒灰研細酒調一錢或半錢日二

郁李仁膏治襁褓小兒大小便不通

郁李仁

一兩浸
去皮

滑石

半兩
研

大黃

去麤皮取實者一兩剉碎
酒浸半日控乾炒焦為末

右先將郁李研為膏和二味丸黍米大每服一二十
圓量大小與小者乳汁下大者薄荷湯下要踈風熱
痰實服但微澹極穩

五淋論

淋病有五一日熱淋血淋二日寒淋膏淋三日氣淋四日勞淋五日石淋五淋之中小兒有所患者惟寒熱氣之三症外勞石二症虛極所致小兒未親色慾故無患者內石淋恐兒本怯腎弱者有之亦千金中無一矣今並具五淋之症于下 熱淋者因熱乘小腸膀胱二經皆主水水入小腸傳於膀胱行於水道出於陰中而為小便也故陰為水液之路膀胱為津液之府熱則水道燥煇水液行澁致水道不利小便淋瀝因名曰淋其候

出少而起數小腹急痛引臍連莖中痛也熱甚者溺血故亦曰血淋血得熱則流散滲入於胞隨淋溺而下也寒淋者因寒冷干於二經而作其候先寒戰而後溺之是邪氣與正氣交爭也寒氣勝則發寒戰正氣勝則寒戰解而得溺溺則出少澀滯小腹連莖中而痛寒甚者溺白如稀膏故亦曰膏淋亦如痢下熱則便血寒則便膿也痢下者寒熱搏於大腸也今淋者寒熱搏於小腸也氣淋者小兒因怒而啼氣入二經留滯不散邪

正相搏胞內氣脹其候每溺則臍下愆膨水道澁不能
下莖中相引而痛常有餘瀝也 勞淋者因房事過度
腎虛精竭氣通於陰水道乾澁之所為也腎與膀胱為
表裏今腎虛精竭則膀胱亦虛不能約制其水故水液
頻數而下水道乾燥則不能通利其候尿留莖內數起
不出引小腸連莖而痛也 石淋者小者為沙大者為
石皆云腎主水水為熱結化而為石其言雖近而不知
其本也且腎有二藏左者為腎右為命門主水而為壬

聖濟經云士者一水一石之謂歟不知一水一石之道
告未達生化之妙本太一精真在上兆於水立於石是
腎中本有真之物也患者乃真精化而真物出焉其候
沙石從水道中出塞痛悶絕故痊者鮮矣

琥珀圓治熱淋疼痛

琥珀

半兩
研

乳香

半兩
研

桃膠

半兩
研

右拌研勻糊為丸菘豆大每服一二十九煎萱草湯

下

又方治如前

右以黃芩二兩絹袋貯之用水二升煮取一升時時

服無時

蒲黃散治血淋澁痛

蒲黃

半兩

冬葵子

半兩

生地黄

半兩

右為細末每服一錢水一盞煎至六分去滓溫服無

時

又方治如前

右以雄鷄屎尖白如粉者炒微黃研細末酒糊圓棗
豆大酒下三五丸日連連四五服取効

玉粉丹治寒淋膏淋如神又治下痢

牡蠣粉

四兩
研

乾姜

末二
兩炮

右拌勻麵糊為丸麻子大每服一二十九丸米飲送下
無時

二膠散治氣淋小腸慙慙不通

桃膠

李膠

等分

右為末每服半錢葱白湯調下無時

又方治氣淋

右以蠶退紙燒灰研細每服半錢或一錢煎去心麥

門冬湯調下無時

又方治如前

右以馬兜鈴炒焦黃為細末每服半錢或一錢麝香

酒調下溫酒亦得無時

葵子散治沙石淋痛不可忍

冬葵子

一兩

石南葉

榆白皮

去末
剉

石葦

去毛

木通

剉各
半兩

右為細末每服半錢葱白湯調下一方只煮冬葵子

汁服

二石散治如前

滑石

石葦

去毛各一兩一方
更有瓜樓根一兩

右為末每服半錢煎大麥湯清調下無大麥米飲亦

得

治小兒淋閉

露蜂房

亂髮灰

等分

右為末每服一錢水調服之日二

又方治如前

以冬葵子一兩杵麤散每服一錢水一小盞煎至五分去滓溫服無時

又方以衣中白魚摩臍下及小腹

又方治如前經効小兒諸淋

治小兒遺尿

瞿麥穗

龍膽草

去芦

皂莢

去皮

桂心

各半

人參

去蘆
一兩

鷄腸草

一兩

車前子

一兩炒
一分

石葦

去毛
半兩

右同為末煉蜜和丸小豆大每服五丸食分日三

又方以小豆葉搗汁服之以鷄腸燒灰研末漿水調

服一錢面北斗服日三

小兒衛生總微論方卷十六

欽定四庫全書

小兒衛生總微論方卷十七

癩疝論

小兒癩疝由怒啼軀氣衝擊腎經氣下通於陰囊故令
腫大堅硬 又偏腫者氣乘偏虛而作也其有水者腎
主水下通陰因怒啼軀氣腎水隨氣而下作

海蛤散治氣擊於下陰腎腫大而堅硬

海蛤

三分
研

懷香子

三分
炒
香熟

薏苡仁

半

白朮

半

檳榔

半兩
裹炮

右為細末每服半錢溫酒調下早晚乳食前

又方治外腎腫硬漸欲成癩

右以乾地龍去土盡為細末唾調塗之常避風冷濕地

勝金桃仁膏治卵癩腫大

右杵去皮尖桃仁為膏傳之

川棟子丸治疝氣偏墜一大一小

川棟子

去核取肉一錢

續隨子

去皮淨一錢

輕粉

二錢

右為細末麵糊和丸黍米大每服十九葱白湯下不

過十服愈

荆三稜散治如前

荆三稜

炮

班猫

去足並翅等分

右為細末每服半錢米飲調下

三香昆布丸治如前

薰陸香

三分

青木香

三分

藿香葉

去土半兩

昆布

三分洗去鹹味

牽牛子

半兩
微炒

右為細末棗肉和圓麻子大每服十九空心壯礪湯

下

治小兒狐疝傷損生癰

地膚子

一兩
半

白朮

一兩
三分

桂心

三分

右為末煉蜜圓如小豆大酒服七圓量大小增減

又方治如前

芍藥

茯苓

各三分

防葵

一作
防風

大黃

各半
兩

半夏

桂心 蜀椒

去目並閉口者一分

右為末煉蜜和丸如大豆每服一圓日三四

五等圓治小兒卵核堅癩或陰卵偏大

黃蘗

炒

香豉

牡丹

去心

防風

去蘆并枝

桂心

各半

兩

右同為末煉蜜和圓如大豆許三歲兒飲服五丸

又方治小兒癩以蜥蜴二條燒灰研為末酒服之一

二歲兒半錢

治小兒卵腫以鷄翅六莖燒灰服之隨在左右取翮

能治陰大如蚪

治小兒氣癩

土瓜根

芍藥

當歸

去麩洗焙
各一兩

右咬咀每服二錢水一盞煎至半盞去滓溫服量大

小加減

又方治如前以三月上除取白頭翁去蘆搗之隨左

右偏處傳一字作瘡二十日愈亦治腎癰

又方治小兒卵腫搗牆衣傳上

治小兒偏癩或氣攻小腹疼痛

蛇床子

為末
半兩

馬鞭草

取汁
一合

右相和如膏塗病處

又方治如前

以枳壳去穰三兩微炒杵為細末每用煎至栢枝濃
汁調膏厚塗腫處良妙

治小兒陰癩腫大不消

以鵬沙一分以水研化塗之立效

治小兒陰癩偏大氣脹

以雄黃一兩研極細甘草一錢剉同煎湯淋滌

又方治如前

牡丹皮

去心

防風

去蘆并了
枝等分

右為末每服半錢米飲調服無時

治小兒卒卵腫痛而脹

赤小豆

末半兩

桂心

末一分

右以生牛蒡取汁二大盞煎稠入二味相和為膏塗

病處即消

治小兒陰囊腫痛虛熱以蚯蚓屎用甘草汁調塗之
又方治疝氣腫痛連小腹如刺

右以生麝干杵汁服之亦可作丸服

又方治如前

右以藜葉煎濃汁一升煮取七合每服半合頓服量
大小加減

蜘蛛散治癩疝或腫堅或偏墜或大小時時上下

蜘蛛

十四個
焦炒

桂心

半兩

右為散每服一字或半錢米飲調下或蜜丸服

玉粉散治水癩上下不定

煨熟牡礪粉

二兩

炮烈乾姜末

一兩

右拌勻冷水調稀稠得所塗病處以小便大利即愈
此方若用糊為圓服之治冷淋膏淋下痢膿血及婦
人帶下

陰腫生瘡論

小兒有陰腫及生瘡者由腎經虛而邪氣乘之腎氣通於陰邪搏衝於下則陰為腫甚者衝攻以生瘡又有因風濕外干皮膚則陰為之痒搔之以成瘡者並叙方于後

桃仁圓治小兒陰腫

白蒺藜

半兩炒
去刺

桃仁

三分湯浸去皮尖
并雙仁者麩炒黃

牡丹

去心
半兩

桂心

半兩

郁李仁

一分湯浸
去皮炒

右為細末煉蜜和丸黍米大每服十圓溫酒下乳食

前

胡連散治陰腫生瘡

胡黃連

半兩

胡粉

半兩

白礬灰

一分

右為細末每用少許油調塗患處一方只用黃連胡粉等末香脂油和傅

又方治如前

右以人屎或狗屎燒灰傅之

又方 右以馬骨或狗骨燒灰研細傅之

治小兒陰腫 以狐莖炙焦黃杵細末服之 以芫青

搗傅上 以衣中白魚傅之 以斫取桑白皮汁塗

上

治小兒陰瘡痛痒搔之黃赤水出不差

五倍子

鴨茶

等分

右為末更入膩粉少許先以漿水葱白椒煎湯洗之
帛子拭乾用藥傅之

治小兒陰上生癰瘍醫不能療

右以鱉甲一枚燒灰研末鷄子白和傅之

治小兒陰瘡

右以黃蘗水煮汁洗了拭乾白蜜塗之

治小兒惡毒瘡腫生於陰髀間痛牽入腹不可忍一宿殺人

右以茴香苗葉搗取汁量大小與服日二三其滓傅腫處冬月無苗葉取根用

又方治小兒陰腫生瘡

右濃煎狼牙草湯洗之冬月取根用或搗爛傅之

治小兒卒然陰腫痛脹

赤小豆

未半兩

肉桂

未一分

生牛蒡根

取汁二盞

右先將牛蒡汁煎稠後入二末和膏傅病處

治小兒陰腫虛熱作痛

以蚯蚓糞用甘草汁調輕輕塗上

治小兒陰頭忽生腫瘡此名尿灰瘡

以黑豆皮嚼爛傅之以伏龍肝研末和鷄子白塗之

又方治陰頭生瘡

右以蜜煎甘草塗之若陰頭生瘡不痒不痛但潰蝕者此名下疔瘡方具于後

又方治陰腫瘍搔之成瘡

蛇床子 細辛

吳茱萸

去枝梗
各一兩

右為末每用一匙水一大碗葱白三莖煎至數沸通
手淋洗三五上極妙

又方治陰痒生瘡

胡椒

半兩

紫稍花

一兩

右為麤末水煎浴洗如前

又方治如前

右以黃蘗剉碎煎湯洗浴

腋氣論

小兒腋氣者血氣不榮腋下有孔一如毛孔而稍大臭穢之氣從其中出若狐氣之臭故俗呼曰狐臭也亦有父母遺體相傳者又有乳養之人而有染著者今叙方

于後

綠銀散治腋氣

銅綠

蜜陀僧

各三錢

白芨

一個燒存性九錢

右為細末每用半錢津唾調塗腋下三五日一次以效為度

又方 右以輕粉一錢七分兩處麝香酒調一半服之
好酒調一半塗腋下以不臭為度

又方 右以左挑開通錢五文火燒通赤內醋中焯之

凡七次杵羅為末用老生姜一塊刀背斫斷將生姜以斫斷處擦腋下有毛擦不倒者乃是病也拔去其毛以生姜自然汁調藥塗之屢驗若此小腋氣汗氣只以生姜擦塗腋下亦可

顛門腫陷論

小兒初生皆有顛門者藏氣未充骨髓未完滋養未備藏故也藏腑皆以脾胃為養兒自生以後得五穀所滋則藏氣充而骨髓完所以兒至能食則顛門合也顛門

者繫於脾胃聖濟經言衛顛之天五五者土也脾胃屬
馬小兒有顛腫者由脾胃不和冷熱不調或怒啼飲乳
或喘急咳嗽致陰陽氣逆上衝而顛腫也熱則腫而軟
冷則腫而硬又有顛陷者或因瀉痢或小便頻數或曾
服清藥以利小便或本怯氣弱或別病纏綿皆使藏虛
而不能上榮於顛故令顛陷也此皆小兒惡症得愈者
鮮矣

治小兒顛腫軟

右以青黛冷水調傅之及煎服化毒丹

方已具前

治小兒顛腫硬及陷

乾熟地黄

八錢
焙稱

山茱萸

去肉
各四錢

澤瀉

牡丹皮

去心

白茯苓

去皮各
三錢

右為末煉蜜和丸菉豆大三歲下者三五丸溫水化
下空心及煎服錢氏益黃散

治小兒顛陷

以狗頭骨炙黃杵末鷄子清調傅

滯頤論

小兒滯頤者脾冷所致也脾之液為涎脾冷則不能約制故涎常從口角流出滯漬於頤頤浸久生瘡名曰滯頤

治小兒滯頤涎從口出浸漬頤頤口角下生瘡

以桑白皮汁塗口中

又方治如前

以東行牛口中沫塗兒口及頤上

治小兒口角下黃肌瘡

以殺羊髭燒灰和鵬月猪脂傳上 以羊角燒灰和

臘猪脂傳

温脾圓治脾冷多涎流瀆頤下生瘡

丁香 木香 半夏

用生姜六兩同杵
碎炒黃色各一兩

青皮去穰 白朮 乾姜

剉碎微炒
各半兩

右為細末煉蜜和丸黍米大每十九米飲下無時服

温脾散治如前

丁香

一兩

肉豆蔻

麩煨

半夏

白礬水浸
去滑炒黃

白朮

乾姜

炮

人參

去蘆

甘草

各半兩

右為末每服一錢水八分生姜二片煎至五分去渣

溫服食前

又方治口中涎出流漬頰下不乾

右以白羊屎內口中服前藥仍更洗瘡淨以燒錫末
傅之

腸癰論

小兒腸中有癰瘡者由寒熱之氣搏於腸間氣血結滯而生也其候食少腹中痛悶小腸微強者是也

治小兒腸生癰瘡

右以鯉魚腸煮令食之

針刺悞傷論

小兒有因動作悞被針刺骨刺竹木簽刺傷而入肉或已折在內不出者叙方于後

右以白梅肉爛杵和象牙末傅上若針即以象牙屑

水調傅之或以磁石末傅之仍更以瞿麥為末水服
方寸七或煮汁飲之日三

又方以松脂如乳香者末傅之帛裹三五日不覺而
出落

諸物梗喉論

入腹附

小兒有悞吞諸物在喉中不能下不能出妨碍飲食氣
出不快甚者塞刺疼痛時霎不任便致危殆

磁石治悞吞針刺喉中

右以磁石如棗核大磨令光鑽作竅子以線穿繫定
令兒含之針則自出若悞吞錢者用棗大

又方治悞吞竹木入喉

右燒稱錘通赤漬酒飲之

又方治悞吞金銀銅鐵錢物在喉中不下

右以南天竹根燒灰研細熟水調服一錢立下

通氣散治如前及治鈎繩之類在喉

鵝毛

一錢
燒灰

磁石

一皂子
大塊

象牙

一錢
燒存性

右為細末每服半錢新水調下

又方治悞吞金銅銀鐵錢等物在腹內不下

右以石灰一皂子許硫黃半皂子許同研為末酒服之

又方治如前

右以胡粉一兩水調分服量大小加減

又方治魚骨鯁喉不下

右以礪砂少許口中咀嚼嚥之立下

又方治如前

右以故魚網覆頸項則下未可煮汁飲之立下

又方治如前

右以鷓鴣毛燒灰水調服量大小與

又方治一切諸般骨刺竹木簽刺梗不下

右於鵬月取鰕魚膽北簷下陰乾每用少許酒煎化
溫呷得逆便吐梗乃隨出未吐再服其梗刺雖嚥在
腹內久痛黃瘦者服之亦出極妙無鰕魚取青魚鯉

蠶魚膽亦可并治喉痺

又方治桃李果梗

右以狗頭煮湯摩頭上

又方治一切諸物梗喉

右以瞿麥為末水調半錢或一錢服

大聖玉屑無憂散治諸物梗喉及一切咽喉諸病解毒

治百疾

玄參

去蘆

貫衆

白茯苓

炒黃

縮沙仁

滑石

荊芥 川黃連去鬚 山豆根 甘草炙

硼砂各半兩

寒水石

三兩火煨埋土中出火毒七日

右同為末每用半錢抄口中新汲水一口嚥之治誤吞叫子骨刺棗核金銀銅鐵瓦石麥稻針刺等諸物梗喉及治咽喉一切諸疾喉痺乳鴉等疾又解已豆杏仁諸藥之毒能殺人者又治蛇蝎諸虫咬蜚毒氣入腹并心腹脹滿脾積癥塊風涎孀癖他藥不能治者但服此藥立見效驗能潤三焦消五穀除九虫益

五藏辟溫疫無所不治

治小兒一切珠璫錢等梗喉

右以弩銅牙燒赤內水中放冷飲之

疣子論

小兒有附貼皮膚生核如麥豆大其色與皮肉無異謂之疣子有一兩個生者又有數個連續生者割破其裏狀如結筋亦有微血亦與肉相似此由風邪搏客血氣變化所生又有一種初生核小日久漸長滋益而大名

曰瘤子亦由邪搏血氣變化所生則氣血順活故漸長大也今叙方于後

以針或小刀子決疣子四面微微血出取患瘡人中膿汁傳之莫得近水三日外膿潰其根動自落

以白梁米粉於鉢內炒令赤色用衆唾相和傳上厚一寸許即消

治疣子連續生十數箇者

以艾炷一枚如麥豆大灸最生者一箇名疣母餘即

自消核大者稍增艾炷

治瘤子 以稻科上花蜘蛛十餘箇取頓於桃科子枝
上放之候絲垂下取東邊撫為線子繫定瘤子上七
日後換其瘤自落沈興宗待制有老母病瘤如拳用
此法繫之至三換遂乾落於枕畔得之一似乾粟

諸虫咬蜚論

小兒有為諸毒虫咬蜚者多於夏熱之時取涼解脫就
地坐卧忽然悞有觸遇因被咬蜚其痛不可忍直至終

夜乃歇甚者連引一邊痛無少止又有毒瘤瘡中腫潰苦楚或有虫因卧悞入耳中不出者並叙方于後

治蛇咬所傷

以生豬血調雄黃末傅之如倉卒間只用豬血亦效若獨用雄黃即不驗以冷水先洗瘡了搵乾用茛萸一合水半碗研取汁服之將渣傅瘡上

一方用酒調茛萸末服之油調末傅瘡上

治蛇咬毒氣內攻腫痛不任

以人屎厚傅之用綿裹即消以白礬雄黃等分研末於刀頭上焙令熔便滴瘡上即自差

治蝎蜚

以吃勒藤令患人自嚼爛塗之以乾姜令患人自嚼爛塗之

治蜈蚣咬

以醋磨生鐵汁塗之亦治蜘蛛咬以獨頭蒜磨咬著處痛止為度以活蜘蛛一箇安口在咬著處則自然

吸嚙其毒痛乃即減至蜘蛛肚脹時放之別取如前
用不爾則直脹死不休恐傷生命故放之又同將用
過蜘蛛放水水中即解其毒不死

治蜘蛛咬

以活蚯蚓入葱葉筒中緊捻兩頭勿令泄氣頻頻搖
動則自然化為水滴在咬著處又治蜈蚣入耳不出
點藥滴入即化為水

治壁鏡咬

以生姜汁調皂角末塗之破者取烏梅肉貼

治蜓蚰入耳

以醎醋灌耳中即出以小蒜汁灌之以驢乳汁灌之
以龍腦大豆許線繫左入塞右右入塞左立效以香
油灌之

又方治如前 道人頭 棟葉 車前子

各等分

右為末唾調置耳門中則自出傳方人直尋蜓蚰自
送入耳用此藥試之乃出

治百蟲入耳

以椒末醋調灌耳中如行十里久自出 以猪肉炙香熟掩耳虫聞則出

又方治如前 白礬 雄黃

各半兩

右研為細末生油調成膏用皂子許塞耳虫自出

撲墜損傷論

人之血氣循身周流而無停止小兒有因落床或從高墜墮或打撲損傷致血氣失度隨損處停留或流入

腹癢蘊不散致羸瘦痿黃時作疼痛嗇嗇微寒翕翕微熱重者有至筋傷骨損舉動不能叙方于後

蒲黃散治小兒因打撲墜血氣停滯或敗血入腹不散作疼痛寒熱羸瘦痿黃

蒲黃

當歸

去鬚
洗焙

生地黃

乾各
一兩

琥珀

另研

赤芍藥

桂心

各半兩

右為細末每服一錢水一小盞煎至五分去渣溫服

無時

茯神丸治如前

茯神

去心
肉木

當歸

去鬚
洗焙

麥門冬

去心各
一兩

人參

去蘆

黃芩

草龍膽

去蘆

桃仁

湯浸洗去皮尖并雙仁者麩炒香熟研細後入各半兩

右為細末拌勻煉蜜和丸黍米大每服十圓用生地黃汁少許同酒送下無時

三黃散治小兒因損傷敗血不出但傷不斷者服之立效

黃連

去須
半兩

黃芩

三分

甘草

半兩

玄胡索

去皮
半兩

右為末每服一分用童子小便半小盞酒三分之二
同煎四五沸熱服取下惡物立差

靈龜散治撲墜內有傷損

當歸

去蘆洗
淨三分

白芷

漏蘆

去蘆各
半兩

右為末每服一錢溫酒調下食前

又方 以生地黃不拘多少杵爛絞汁用溫酒調服量
大小與之其效如神如內損熱血衝心甚者氣絕不
認人下咽即醒取下惡物遂好

沒藥丸治撲墜損傷骨節痛疼或已可而有時發作痛
不可忍時發赤腫數服立效永除根本

沒藥 澤蘭葉 香白芷 骨碎補 草烏

去皮

破故紙

炒

敗龜

酥炙

虎骨

塗酥炙

續斷

白頭翁

去蘆

烏金石

各一兩

自然銅

燒赤醋淬過七次二兩

右為細末醋糊圓桐子大焙乾醋磨濃墨為衣生姜
溫酒下三五圓筋骨損者用虎骨散帖之

虎骨散

虎骨

塗酥炙
黃一分

金毛脊

去毛
一兩

穿山甲

燒
一兩

骨碎補

一兩

右為末以倉米煮粥臨熟更入米醋煮如糊攤紙上然後摻藥在上包裏貼損處如大段損折即以杉夾正不過三上即安此二方屢用大效亦治大人

四黃散治落床墜地瘀血在腹陰陰寒熱不乳啼哭

蒲黃

大黃

黃芩

各十
銖

黃連

去鬚
十二銖

麥門冬

十銖

甘草

八銖

芒硝

七銖
後入

右咬咀以水二升煮取一升去滓內硝令烱看大小

分服羸瘦者忌冷食大小便血即愈

藥毒論

小兒腸胃怯弱臍嫩軟血氣未壯因服藥不勝其味
之毒致煩躁悶亂或口舌麻木或如針刺甚者吐利有
至吮血也

玄胡索散 解諸藥毒煩躁悶亂吐利嘔血

玄胡索

去皮
一兩

甘草

生 白礬

生各
半兩

右為末每服半錢水一小盞煎至六分去渣放溫服

時時呬

礬茶散 治諸藥毒煩躁口舌麻木或如刺痛

草茶

一兩

北礬

一兩

右為末每服半錢或一錢汲新水調下立解

又方解百毒藥以白扁豆為末水調一二錢服以出
了蠱者故紙燒灰細研冷水調下半錢頻服

龍腦散治藥毒吐血如神

大黃

蒸

半夏

湯洗七次薄切
姜汁浸一日焙乾

甘草

炙


金星石

銀星石 寒水石 禹餘糧火燉醋
滓七次 不灰木燉

青蛤粉

各半兩青蛤
粉即青黛

右為細末入細研龍腦末一字拌勻每服一字或半
錢新水調下錢乙更有甘松藿香葉末各一錢減大
黃一半



小兒衛生總微論方卷十七

欽定四庫全書

子部

小兒衛生總微論方卷十八

詳校官太醫院吏目_臣宋桂

編修_臣倉聖脈覆勘

總校官進士_臣繆琪

校對官中書_臣李斯咏

謄錄監生_臣譚世緯

欽定四庫全書

小兒衛生總微論方卷十八

頭上諸病論

頭瘡

小兒頭瘡者由藏腑有熱上衝於頭外被風濕復相乘之搏於血氣而生其瘡故曰頭瘡此候與禿瘡特異且禿瘡者有白有赤硬痂遍滿其頭此頭瘡者但一兩處生其痂並不白硬而乾時時常有膿血濕汁俗呼為長

頭瘡小兒失於沐髮者便生此瘡也

玄精石散治小兒頭瘡

太陰玄精石

寒水石

各一分

輕粉

麝香

各少許

右為細末先以淡漿洗去瘡痂拭乾油調藥塗之甚者不過再

枯樓散治如前

枯樓

一枚

鹽豉

一合入枯樓中

和

全下黃土

賦粉

一分

右為末入麝香一字拌勻每用少許油調塗之濕者

乾摻

淡豉散治如前

淡豉

炒黑
焦乾

絳礬

各一兩

賦粉

二錢

右上二味先末入粉研勻先以桑柴灰淋汁熱洗瘡
淨用甘草末摻瘡上後以生油調藥塗之濕者乾摻

黃連散治如前

黃連

去須
二兩

胡粉

一兩

右為細末先洗去瘡痂拭乾傅之即差再發用前胡粉膏治頭瘡久不差經隔年歲

松脂

苦參

黃連

去須各一兩半

大黃

生

胡粉

各一兩

黃芩

水銀

各一兩一分

白礬

半兩

蛇床子

三分

右為細末以臘月猪脂和研至不見水銀星為度傅之

又方治頭瘡久不差

賦粉

少許 胡桃

和皮燈上燒過存性用椀蓋出火毒研末

右為細末以生油調塗仍剝去瘡上髮塗之只一二
次差

又方治如前 以上塵和油脚塗之仍先用皂莢湯洗
訖塗藥 以馬骨燒灰研末醋和傅之 以虎脂焯
令凝塗之日三四次 以蓼末蜜和塗之有虫出而
愈不作癩

又以鷄卵七枚去白皮於銅器內熬和油塗之亦治乾
禿不出汁者 以鷄卵壳燒灰研末猪脂和傅之

又以鷄屎研末傅之 以醋少許和淨水洗去瘡痂再
以溫水洗之挹乾用百草霜入輕粉研細用少許生
油調塗 以兔絲煎湯洗之 以竹葉燒灰研細猪
脂和塗 以黑豆炒烟盡杵為末入賦粉研勻細生
油調塗之

治頭瘡出膿水不差差而復發

以杏仁一百枚燒灰入賦粉一分同研勻細生油調
塗

治頭瘡漸引不較

以烏油麻嚼爛塗之亦治浸淫瘡及乾瘡

治頭上惡瘡以黃泥裹豆豉煨熟放冷取豉研末以純菜油調傅上

軟癩

小兒頭上生軟癩者由風邪冷熱之氣客於皮膚搏於血氣壅滯經絡蘊結而生亦如身上生癩無異但生在頭上始則赤腫而硬其邪微者散則自消其邪甚者腫

赤內搗潰濃血作痛以頭上皮緊至熟多不能去膿根
中有惡汁不盡因而復發或在根邊別生連續不差常
常烘膿故名曰軟癬

如聖膏治軟癬

菜油

兩一

黃臘

半兩

歷青

錢一

黃丹

半錢

羊筒骨內髓

一筒

右一處熬成膏於紙上攤貼患處上用冷鐵一片於
瘡口上壓定四面針破如膿出不快以紙撚任之熬
藥不得犯銅鐵器

又方以青澁柿子連皮薄切焙乾杵為細末每用時先以溫湯洗捻去其膿血用藥少許入輕粉三分之一拌勻以薄薄牛皮膠水調成膏攤熟帛子上貼之愈又以炒油麻銚子中取乘熱嚼爛傅之

以生油餅劑子一箇捻薄留一竅於癬上貼來日膿自出便較屢驗

又以兔毛皮不拘多少燒灰研細入膩粉少許生油調塗

又方用枳殼去穰週圍用糊合於瘡上去膿生肌即愈
極效

治頭皮虛腫如烝餅裏水之狀以口嚼麥麩傅之

禿瘡

小兒頭有禿瘡者按九蟲論云是蟻蟲動作與風邪相
乘上于頭之皮膚搏於血氣傷其榮衛而所生也榮為
血受病則為赤禿衛為氣受病則為白禿榮在內邪稍
難干故患赤禿者少衛在外邪易得著故患白禿者最

多其始生如癬之斑點上有皮屑漸漸作痂以成其瘡
遂至滿頭髮落逮盡若刮去其痂則瘡皆是孔眼大小
不等如蟲之窠有膿汁出不痛而痒痒乃不可慄是知
有蟲為風也又一種俗呼為鬼舐頭小兒有頭瘡過夜
被鬼舐之則引及滿頭有赤痂或云便赤禿也

治小兒白禿頭上團團然以蒜搯白處早晚拭之
治小兒白禿乾殼不出汁

以鷄子七枚去白皮銅器中熬和油塗之

治小兒白禿以葶藶子杵末湯洗去痂塗之

以陳香薷煮濃汁少許同脂和胡粉傅之

以白頭翁根杵爛傅一宿已作瘡者二十日愈

以榆白皮杵末醋和塗蟲當出以鷄窠中草和白

頭翁花一處燒灰研細用臘月猪脂和勻先用醋泔

洗瘡後傅之

又以椿楸桃三般葉心取汁傅之大效一方只用楸葉

杵汁傅以人屎燒灰末之用臘月猪脂和傅

治赤禿以白馬蹄燒灰細研臘月猪脂和傅以靛滓傅之

治鬼舐頭以兒糞臙猪脂和傅以臘月猪屎燒灰末傅以屎燒灰研細和臘月猪脂塗傅

耳中諸病論

耳聾

小兒有忽患耳聾沉聽者由風邪乘於手太陽之經也邪隨其經入於耳內邪正相搏氣停塞滯則令耳聾不

能聰聽於音聲也輕者則為沉聽謂耳中沉沉然輕小
之音則不辨重大之聲纔聞也

通鳴散治風邪惡入耳令兒耳聾

菖蒲

一寸九節者良

遠志

甘草水煮去心各一兩

柴胡

去苗

麥門冬

去心

防風

去蘆並義枝各半兩

細辛

去苗

甜葶藶

炒

磁石

火煨醋淬十次研各一分

杏仁

十四箇湯浸去皮尖雙仁者炒黃

右為細末每服半錢煎葱白湯調下乳食後日二三

服

烏麝湯治如前

大川烏頭

一筒重二錢上者以豬脂油煎令烈不得劑了面上塊子只刮去皮盡切碎杆

羅為末

通草

半兩薄切作片子片片相似以糯米粉作稀糊拌勻焙乾杆羅為末

右二味入麝香末少許研勻每服一錢水一小盞入

薄荷二葉棗一枚煎數沸放溫服或只以溫酒調服

菖蒲圓治如前

菖蒲

一寸

巴豆

一粒去皮心

右二物合杵為劑分作七丸用一粒綿裹塞耳中一

日一易

又方

菖蒲

末一分

杏仁

半兩湯浸去皮尖雙仁者

右二物合杵如泥每服用一麻子許綿子裏內耳中

一日一易

單麻膏治如前

單麻子

十枚去皮

棗肉

七枚

右同研為膏每用麩核許綿裏內耳一日一易

治新久耳聾

以巴豆一粒蠟裹針刺令通透塞耳中 以貓兒捉
住老鼠奪之取其鼠膽汁灌病耳中一云只以鼠膽
用之亦可 以地龍一條鹽少許俱貯葱筒中時動
搖則化為水用點耳中 以米醋一碗用鐵一塊彈
子大燒赤投醋中令病耳就上使氣薰入耳中即效
三二日可治

又以葱白於灰火中煨令熟將葱白頭內耳中一日三
易 以芥子杵爛人乳汁和綿裹內耳中一日一易

以荊子中艸蟲白粉和油滴耳中日二亦治沉聽新
聾耳 以驢脂和生椒杵爛作丸綿裹塞耳中治久
聾

又以醇醋微火煎附子至軟削令尖塞耳中

耳中鳴痛

小兒有耳中或鳴或痛者由風邪入耳與正氣相干搏
於血氣者即為鳴搏於經絡者即為痛也

治耳中痛

以乾百合為末溫水調下一錢乳後以柳樹虫
糞水化取汁調白礬末少許滴耳中為妙以鹽二
三升蒸熱包裏以耳枕之冷即易亦治洪洪聲

治耳鳴如流水或如風聲

以生烏頭纔搗得乘濕削如棗核塞耳中旦用夜易
夜用旦易不過三日愈及治耳痒無即用乾者

治耳中常鳴

以生地黃截塞病耳數數易之或以紙裹微煨用

耳中腫瘡出膿汁

小兒有耳中腫或生瘡出膿汁者由風濕相乘入於耳邪正相干搏於氣血傷於經絡輕則為腫重則生瘡若津液結潰變為膿血汁出又有因水或眼淚入耳停搏正氣亦為濃汁俱名停耳又名膿耳也

治耳內腫及生瘡出膿汁或只痒痛虛鳴應耳中一切諸病悉皆主之

龍朱散

龍腦

一字研

朱砂

一錢飛研

竹箭幹內虫蝨糞

三錢研

坯子燕脂

半錢
研

麝香

一字
研

右勻研細末以幹耳子挑藥入病耳中如有濃水者
先以新綿撚子纏之淨盡方傾入藥每夜臨卧時一
次

治耳中腫或生瘡

以白礬燒灰研細每用少許以葦筒吹耳內日三四
次或以綿裹塞耳中生瘡者胡桃油調藥著耳

治小兒聾耳内生瘡或有膿汁

礬香散

白礬

一兩
燒灰

蛇床子

一分
為末

右相和入麝香末五分同研細每用一字摻入病耳

藍花散治如前

紅藍花

一兩
洗焙乾

黃蘗

一兩
剉

烏魚骨

半兩
兩

黃芩

半兩
已上為末

雄黃

半兩
研水飛

麝香

一分
研

右拌勻每用少許以新綿子纏撚子搵藥塞耳中一

日二易

麝香散治如前

蜘蛛

一箇

坯子 臘脂

半錢

麝香

半字

右燉極乾研勻細每用半幹耳許以鵝毛管吹入耳

桃紅散治如前

白礬

一錢 燒灰

坯子 臘脂

一錢

麝香

一字

右研勻細每用少許以綿拭子振耳中膿盡搽藥入

耳內

箭艸散治如前

箭竹內蛀蟲糞屑

二錢

坯子 臘脂

二錢

凌霄花

乾者 二錢

海螵蛸二錢麝香一字研

後入

右為細末拌勻每用時先以綿撚子振耳中膿盡乃以紙撚蘸藥入耳中日三

紅綿散治如前

信砒一錢

匕

坯子臘脂

三錢

麝香

一字

右為末拌勻以柳絮滾和勻每用黃米許摻入耳中如透耳生瘡膿汁不差者依此傳瘡上紙片封之妙油引散治如前

石鷺子

雌雄一對用磚壘一地
燼木炭火煨白色為末

號丹

飛等分

膩粉

麝香

各少許
量入

右同研勻先以綿撚子振耳中膿汁盡時側卧搽藥
一字許入耳中以好酒一滴引下立效

綿裹散治如前

桂心

一分

青羊屎

一分炒
令轉色

右同末每用一字綿裹塞耳中

治小兒停耳膿汁出

以琉黃細研每用少許摻入耳中日一次夜一次

以白礬末一錢麝香一字研勻少少摻入耳

以桑木上毒蜂房炙黃杵末溫酒調下半錢空心

以蚯蚓糞研細吹耳中極效

治小兒耳上生瘡 以鷄子白傅之

眼目病論

小兒眼目生病者多因恣食甘酸藏生邪熱熏灸肝經
衝發於目或為赤腫痒痛或眵淚隱澁或生赤脉或生

腎膜又痰飲毒氣漬肝致臟氣不得宣通者則精華不得明審故黑睛雖全而視物眊眊此名睛盲若晝日明至瞑不見物者此邪干經之陰也謂之雀目言如鳥雀之目瞑時無所見也又有障眼者乃氣毒障縵其睛也又有疳肝之氣衝於目者亦能生其腎膜以為遮障也博金散治眼赤腫痛不可忍

白藥子

半兩

黃芩

一錢半

右為末每用一字沸湯點洗之

又方治如前

右取嫩槐芽或嫩葉煎湯放溫洗之白睛如血淚多者最宜用

又方治如前治赤眼腫痛纔覺便截

右以銅綠研細抄二錢半用乳香皂子大二塊同研勻極細點之立效

又方治赤目

右以黃苓為末煎湯漂脚神效

又方治如前

天南星

一分去皮臍

乾蝎

一分半

右為末每用一字茶調下服了搖頭數次立驗

又方洗熱毒眼

右以細朴硝沸湯浸澄去滓乘熱洗之

又方洗風毒熱赤

銅碌

一錢

滑石

二錢

右研極細每用少許沸湯點洗

洗心散治心藏邪熱目赤腫痛

大黃

一兩煨

荊芥穗

一兩半

甘草

半兩生

麻黃

一兩去根

不去節

右為細末每服半錢或一字蜜水調下

洗肝散治三焦壅熱眼目赤腫隱澁多淚

芍藥

一分

羌活

去蘆半分

防風

去蘆并叉

大黃

半分

甘草

半分

右為細末嬰小一字二三歲半錢上者一錢水半盞

入燈心黑豆各少許煎數沸食後放冷服須銀石沙

銚中煎仍與四順散間服并用清凉膏貼太陽穴

四順散

當歸

去蘆
洗焙

芍藥

大黃

紙裹
煨

甘草

各
等分

右為末每服一錢水一盞煎至半盞去渣溫服更量
大小加減無時

清涼膏治眼赤腫痛貼太陽穴

右須立秋日已後取芙蓉葉陰乾為末每一字或半
錢井花水調貼太陽穴

地黃散治壅熱目赤腫疼或赤脉白膜四邊散漫者猶
為易治若遮黑睛多致失明宜用此

生乾地黄

切焙稱

熟乾地黄

切焙稱

當歸

去蘆焙稱各等分

黃連

去須

大黃

去皮取實處別焙稱

防風

去蘆并義枝稱

羌活

去蘆

生犀屑

蟬壳

去土

沙苑蒺藜

炒去刺

木賊

穀精草

去根

白蒺藜

炒去刺各一錢

玄參

去芦半錢

木通

甘草

剉炒各一錢半

右為細末每服一字或五分煮羊肝湯調下日三乳

食後

玄精石散治眼生赤脉

玄精石一兩 甘草半兩

右為細末每服半錢竹葉湯調下

羌菊散治眼生浮翳障膜

羌活

去蘆一分

菊花

揀淨半兩

防風

去蘆并叉枝一分

山梔子

去殼一分炒

甘草

一分炒

白蒺藜

炒去刺半兩

右為末每服半錢或一錢蜜湯調日三與決明丸間

服

決明圓

決明子

揀淨

車前子

菊花

揀淨

川芎

宣連

當歸

去蘆洗淨
各一分

大黃

黃芩

各半

右為細末煉蜜和丸麻子大每五歲下三五丸上者
七八丸煎桑枝湯或麥門冬湯送下

又方治目生黑花浮翳澀痛

右以貝子一兩燒灰研極細入龍腦末少許點之

又方凡小兒數歲眼中生膚翳未堅者不可妄用但以
珊瑚研如粉每日少少點之三日見效

鎮肝散治痰熱眼生翳膜

胡黃連

梔子仁

各一兩

甘草

微炒

馬牙硝

青箱子

已上各半兩

真珠

一分另研

牛黃

一分別研

右為末拌勻每服一錢水八分入荆芥薄荷各少許煎至半盞去滓溫服食後

又方治目睛上生白膜

右以白礬一分水四合於熱銅器中煎取半合下白蜜調之用綿摠過每用芥子許點之日三

又方治醫膜重厚

右以猪膽白皮曝乾合作小繩如麤釵股大燒作灰
放冷研細點醫上三五度差

真珠膏治眼眵不見物睛盲者

真珠末

一分
研

甘菊花

揀淨
一分

香豉

一分
炒黃

井泉石

一分

右為末拌勻用白蜜一合鯉魚膽一枚同藥於石銀
器中慢火熬成膏次入好龍腦末一錢攪勻每少許
時時點之

又方治目盲

右以猪膽一枚取汁微火上煎之可圓黍米大或
芥心大每用一丸內眼中食頃

又方治睛盲神法也如用之視物如鷹鷂有奇效

右於正月八日二月八日三月六日四月四日五月
五日六月二日七月七日八月二十日九月十二日
十一月二日十二月晦日每遇上件神日用桑柴灰
一合煎湯於磁器中澄令極清稍熟洗之如覺冷即

重湯煮令得所不住手沃之如遇上件神日不得不
洗此神日本法也

復明散治雀目至暝不見物

蒼朮

二兩米泔浸
去皮切焙乾

穀精草

一兩

地膚子

半兩

決明子

半兩

黃芩

半兩

右為細末每服一錢水八分入荊芥少許煎至五分
去滓溫服食後

又方治如前

右以黃蠟不拘多少器內熔成汁取下入蛤粉相和
得所團成毬子每用以刀子切下一二錢許以猪肝
一二兩批開摻藥在內麻縷扎水一碗銚內煮熟乘
熱氣熏眼至溫時并肝食之神效日二服

又方治如前

右以豆豉於新瓦上炒令黃色入雄黃半兩同研為
細末每用藥一錢獷猪肝一片批開摻藥裏合陳米
飲煮熟與食之

又方治如前

右以石膏為細末每用一錢豬肝一片薄批摻藥在
中麻縷纏定入砂瓶中煮熟切作塊子與食此方治
諸藥不效者服之如神

千金僂木散治氣障眼又治肝熱目赤生病

蒼朮

四兩米泔浸七日逐日換泔至日足取出刮去黑皮細切入青鹽一兩同炒色黃去鹽

木賊

二兩童子小便浸一宿水淘淨焙乾一方又有甘草一兩

右二味同為細末每用米飲調下一錢服之甚效

四仁膏治毒氣障眼亦治疔眼

桃仁

四箇去皮尖

杏仁

四箇去皮尖

蕤仁

五箇去皮

郁李仁

五箇去皮尖

蕪荑

五箇取內

海螵蛸

取中心末半錢

北亭

關小

豆大一塊

研砂是也

右於乳鉢內研極細將白蜜看多少攪勻絹或綿濾過別入龍腦細末輕粉細末各少許點之

治小兒雀目

以夜明沙炒過為末猪膽汁和丸菜豆大每服十丸

米飲下

井泉石散治疳熱攻眼生障翳致損睛瞳

井泉石

一兩

決明石

半兩
火煨

甘菊花

揀淨
半兩

夜明沙

半兩
微炒

黃連

去鬚
半兩

晚蠶沙

半兩
微炒

右為細末每用一錢米泔一盞入猪肝少許煎至肝

爛熟為度放溫時服

又方治疳眼

右以烏鰂魚骨牡蠣各等分研為細末糊丸皂子大

每用一丸用猪肝一葉同藥入清米泔煮至肝熟為
度和肝食之汁送下

目病別論

小兒有腦熱注目則臉澁常閉不開又有諸物因入眼
眯之不出又有悞被諸物衝觸傷損目睛者叙方于後
治腦熱注目常閉不開

右以大黃一分麤剉以水三合浸一宿一歲兒每日
分半合餘塗頂上乾即更塗兒大以意加服

治悞飛麥芒入目不出

右用新布覆目上持蟻螬於布上摩之其芒出著布上甚良

又方治諸物入眼眯之不出

右用好墨清水研汁銅筋點之即出

又方治悞被諸物衝觸傷目

右以牛尿點之日二仍避其風雖黑睛破損亦愈

鼻中病論

肺氣通於鼻氣不和謂風冷所乘停滯鼻中搏於津液使涕凝結壅氣不通快不聞臭香謂之鼻塞若風冷搏於血氣而生息肉塞滯者謂之鼽鼻若風濕相搏則鼻內生瘡而有膿汁出也若腦熱攻鼻中乾燥或生瘡痂靨而無膿汁也

辛夷散治鼻塞

辛夷葉

一兩洗焙乾

細辛

去苗半兩

木通

半兩

白芷

半兩

木香

半兩已上為末

杏仁

一分湯浸去皮尖研後入

右為末拌勻用羊髓猪脂各二兩同諸藥於石銀器
內慢火熬成膏赤黃色入腦麝各少許攪勻放冷每
用少許塗在鼻中乳下兒因母吹著顛子鼻塞者只
塗顛上

菊花散治鼻塞涕濁

甘菊花

揀淨

防風

去蘆并
叉枝

前胡

去蘆各
一兩

細辛

去
苗

桂心

各半
兩

甘草

炙一
分

右為末每服半錢入乳香少許煎荊芥湯調下食後

服

蒺藜子散治鼻塞不聞香臭水出不止

右以蒺藜子半搗為細末以水一小盞煎至減半令
患人仰卧滿含飯一口以藥汁灌鼻中不過再即嚏
病出兒大者有此病小者未有

治鼻中生瘡有膿

右取黑牛耳中垢先捩鼻中膿盡傅之

犀角升麻散治腦熱攻鼻燥燂生瘡鼻中乾鞭

犀角屑一兩 馬牙硝半兩 川升麻半兩 黃連去鬚半兩

朱砂半兩 龍腦一分

右拌勻細每服半錢溫蜜湯調下

清柿膏治鼾鼻不聞香臭出氣不快或生瘰肉

瓜蒂半兩 赤小豆一分 細辛去苗一分 甘草一分

附子一箇炮

右為細末入龍腦少許拌勻煉蜜和丸皂子大綿裹

納鼻中

又方治艷鼻有宿肉出氣不快不聞香臭

右以白礬末和面脂綿裹塞鼻中數日宿肉隨藥自
出

面上瘡論

小兒面上忽遇有經絡虛隙為風濕寒熱所乘搏於氣
血則生其瘡或如火燒或出膿或出黃水日久不能痊
差今叙方於後

治面上生瘡如火燒

右以赤薜荔葉杵末生油調傅一名山喬麥

又方治如前

右以黃梁米一升杵末蜜水和傅以差為度

又方治面上生瘡出膿汁

右蛇蛻皮炙焦為末和豬脂傅上

又方治面瘡出黃水

右以鯽魚頭燒灰研末和醬清汁傅上一日易

又方治面生諸般瘡

右以兔絲湯洗之

又方以大麥燒存性為末生油賦粉調塗神妙大麥只炒黑焦亦得

又方治面瘡出黃水

豆豉

一合炒焦黃

黃蘗

一兩剉

右為細末每用先以熱灰汁洗瘡淨拭乾傳之亦治身生如此瘡

又方治面瘡赤腫焮痛

欽定四庫全書

小兒衛生總微論方
卷十八

三六

以地榆八兩細剉水一斗煮至五升去滓適寒溫洗之

唇口病論

風毒濕熱隨其虛處所著搏於血氣則生瘡瘍若發於唇上生瘡乍差乍發謂之緊唇又曰瀦唇其發頻者唇常腫大麤厚或上有瘡不較甚者以至唇腴若發於唇裏連兩頰生瘡者名曰口瘡若發於口吻兩角生瘡者名曰鷺口俗云因乳食看視燕子則生鷺口瘡也並叙

方于後

葵根散治緊唇

葵根

一兩
燒灰

烏蛇

半兩
燒灰

黃蘗

半兩
為末

鱉甲

半兩
燒灰

右為末每用半錢猪脂少許和塗唇上時時用

青液散治赤口瘡

以青黛一錢研末入腦子少許拌勻少少傅上

治小兒及老人虛人口瘡咽痛

吳茱萸

去枝
梗

地龍

去土
等分

欽定四庫全書

小兒衛生總微論方
卷十八

右為末米醋入生麵調塗足心

治小兒口傍瘡久不軟

亂髮

燒灰

故絮灰 黃連

去鬚土

乾姜

各等分

右為末每少許用傳上不過三次愈

治小兒緊唇

右以馬芥汁

即大刺芥是也

先刺唇血出以汁傳之日七次

治小兒熱口瘡

以故錦燒灰研末傳瘡上

治小兒諸口瘡

以五月五日蝦蟆炙燥為末傅瘡上兼治蓐瘡

治小兒唇口邊肥瘡

白礬

一兩
燒灰

蛇床子

一兩
為末

右為末乾摻瘡上立效亦治耳瘡頭瘡癩瘡

綠雲散治如前

黃蘗

半錢

螺青

二錢

右同研勻細每服一字或半錢摻患處

又方治口中赤爛

右取羝羊生乳含之

又方治白口瘡

右以黃丹一兩入龍腦少許研勻蜜和調傅瘡上

又方治口中瘡通白者或白漫漫然亦治疔蝕

右以白殭蠶炒黃色拭去毛盡為末蜜和傅之立效

或以父髮拭口中淨桑汁塗

又方治諸口瘡

右以大天南星去皮只取中心龍眼大一塊為細末
醋調塗脚心

又方治如前

右以香白芷銅綠等分為末摻上立效

又方治如前

右以湯瓶內減為末臨卧時以好醋調於脚心底明
書箇十字立驗

檳榔散治如前

檳榔 銅綠 貝母 各等分

右為細末如患乾口瘡生蜜調掃之若患濕口瘡乾
摻

血餘散治驚口瘡吻兩角生

右以亂髮燒灰研細和豬脂傳之

又方治如前

右以白錫燒灰傳之

牙齒病論

小兒牙齒病者由風熱邪毒干於手太陽之經隨經入於斷齧搏於血氣則生宣爛又云因恣食酸甘肥膩油麵諸物致有細粘漬著牙根久不刷摻去之亦發為疳宣爛斷作臭氣惡血若風濕相搏則為牙癰如風毒入於牙中與正氣交爭則為風痛有蟲動齧齒則為蚰病更有一証疳蝕口鼻牙齒者名曰走馬疳別具疳瘡門之下收之外叙方于後

治牙齒宣爛臭氣有血

皂角

一挺肥好者連皮

羊脛骨

一挺

右並於炭火燒烟盡以盆覆之候冷用紙一張鋪濕地上頓藥出火毒一夜為末如常揩牙用之三上差

又方治如前

蕪荑

半兩炒黑

白礬

半兩生

右為細末入麝香少許拌勻先以水漱口齒淨然後用少許揩牙

又方治如前

右以風化石灰一塊大火中煨通赤取出放冷為末
每用少許旋入麝香少許傅牙根瘡上

桃紅散治牙癰腫爛膿血

朱砂

一錢研
水飛

菘豆粉

一兩
兩

硼砂

半錢
各一
字

右為末每用一字傅患處或揩貼之

麝香散治如前

銅綠

半錢

菘豆粉

一兩
兩

膽礬

半錢
火煨
過用

腦子

一字

右為末入麝香少許研勻每服一字擦貼患處有涎即

吐

甘露散治小兒胃熱牙齦宣露出血口臭臉腫赤眼口
瘡不欲乳食肌體煩熱及瘡疹已未發皆可服

熟乾地黄 生乾地黄 天門冬去心 麥門冬去心

枇杷葉刷去毛淨 枳殼麩炒去穰 苦參 石斛去根 山茵陳

甘草 各等分

右為末每服二錢水一盞煎至半盞去滓溫服食後
量大小加減

治小兒牙宣常有鮮血斷縫臭穢

砒黃

錢一麝香 半錢

右同研細以紙條子生油塗過摻藥在上少少用末煎作小紙碁子看大小用插在病處縫內

治小兒牙齒宣疔

以黃連為末入麝研勻貼病處亦治口瘡

治風艸牙疼

右以馬鞭草煎湯含漱之

又方治如前

莽草 升麻

細辛

去苗

甘草

各一分

右麤剉水一碗煎數沸盪漱之冷即吐別含漱

藁本散治如前

藁本

去蘆

白附子

川芎

莽草

各半兩先為末

青黛

一錢

盧會

一錢

麝香

一字並各研

右拌勻細每服一字或半字搯患處

又方治如前

右以肥皂一箇去子滿填鹽在內炭火燒烟盡放冷
研細每用一字或半錢搯患處有涎即吐

舌病論

小兒舌上偶生瘡腫者由風毒邪熱搏於血氣隨其虛
處著而生病也發於舌上紫腫者名曰紫舌脹若腫麤
大木悶而鞭者名曰木舌脹若風濕相搏而生瘡者名
曰舌瘡若風多而舌腫如吹胞者名曰鼓舌其紫舌木
舌鼓舌腫甚者則滿口溢出血塞閉氣門皆能殺人

治紫舌腫 右取羊乳飲之 又方治如前

右以新鯽魚薄片子頓舌上數數易之

治舌上生瘡不能飲乳

右以白礬研末和鷄子置醋中塗兒足底一七愈

又方治如前

右以蒲黃傅之

又方以桑白皮汁塗乳上吮服

又方治如前

右以胡粉細研用猪筒骨中髓調傳之日三

治木舌腫鞭滿口逡巡氣閉則殺人

右以釜底煤和鹽等分以酒調表裡塗舌須臾即消
無酒亦得

又方治如前

川朴硝半兩真紫雪一分白鹽半分

右和研勻細每用半錢入竹瀝三兩滴白湯少許調
塗舌上咽津不妨

治舌卒腫如吹胞滿溢出氣不得通無可治奈

右以半夏十枚湯洗去滑盡以苦酒一升煮取五合
稍稍含漱之不得咽津戟人咽喉加以生姜一兩同
煮亦得

又方 煎甘草濃汁含之又方以糖醋滿口含之良
又方治紫舌木鼓腫滿閉氣諸藥不效當用此救

右以舌兩邊以指刮破或以鉞刀決破出其毒血慎
勿傷舌下中央脉也若血出不止已及數升者燒鐵

篋烙瘡數過已絕之燒鐵篋約度不可大過

小兒衛生總微論方卷十八